

3. Birabujijwe kugenza ibinyabiziga bigendeshwa na moteri na za romoruki zikururwa nabyo, iyo ibiziga byambaye inziga zidahagwa, *cyangwa inziga zikururuka zifite umubyimba uri hasi ya santimetero 4* cyangwa zifite ubugari, aho bwabarirwa hose, budashyitse kuri 2/3 by'ubugari bw'uruziga rukiri rushya.

4. **Ibivugwa mu gika cya 3, ntibikurikizwa:**

- a) **Ku binyabiziga bihinga**, iyo bigendeshwa mu karere katarenga kirometero 25 uvuye aho ziba;
- b) **Ku bikoresho bidasanze bikoresha n'abapatanyi b'imirimo**, biva aho bibikwa bijya aho bikoresha cyangwa iyo bitahutse cyangwa se iyo byimutse aho byakoreraga bijya gukora ahandi, kimwe no ku binyabiziga bidasanze bibunza mu masoko ibicuruzwa bidashobora kugendera mu nzira

zikoze muri kawucu, iyo ugupakira kw'ibyo bikoresho n'ibinyabiziga bidasanze ku binyabiziga bisanze bigendera mu muhanda byatera imbogamizi cyangwa impanuka.

- ✓ Nyamara, ibinyabiziga binyuranye byavuzwe mu bika a) na b) bishobora kunyuzwa mu nzira nyabagendwa gusa iyo bidashobora kuyangiza.

3.8.6. ICYICIRO CYA VI: Amategako anyuranye

Ingingo ya 88:

1. Buri kinyabiziga kigendeshwa na moteri kigomba kugira ibyuma boyobora bikomeye bituma umuyobozi akata ikinyabiziga cye ku buryo bworoshye, bwihuse kandi bwizewe.
2. Buri modoka igomba kugira uburyo bwo gusubira inyuma ku ntebe y'umuyobozi
3. Buri kinyabiziga gishobora kurenza umuvuduko wa kilometero 40 mu isaha kigomba kugira icyerekana umuvuduko kiri aho umuyobozi areba kandi kigahora kitabwaho kugira ngo kigumye gukora neza.
4. Buri modoka yagenewe **gutwara abantu , ariko umubare wabo ntarengwa ukaba muni ya 6, umuyobozi abariwemo, kigomba kugira imikandara yo kurinda ibyago igenewe umuyobozi n'umugenzi wicaye ku ntebe y'imbere. Ishobora no kugira imikandara ku zindi ntebe z'inyuma. Ibiranga imikandara yo kurinda ibyago bigenwa na Minisitiri ushinze gutwara abantu n'ibintu.**

5. **Buri kinyabiziga kigomba kugira ibi bikurikira :**

a) **Icyapa kiburira** cya mpandeshatu zingana na santimetero 40 nibura buri ruhande, **imikaba y'ibara ritukura** ya santimetero 5 nibura z'ubugari, nta ndiba cyangwa bifite indiba y'ibara rigaragara, imikaba y'ibara ritukura ikaba ibengerana cyangwa ifite umusozo ngarurumuri, byose hamwe bikaba bishobora guhagarikwa ku buryo bufashe.

b) **Agahago k'ubutabazi** karimo byibura ibipfuko 4 bitanduzwa byagenewe buri muntu, **udufashisho tw'ibipfuko 4** cyangwa **ibikwasi 4 bitifunga** Agacupa k'imiti karimo umuti wica mikorobi, **inyandiko, ubutabazi bwihutirwa mu gihe hategerejwe muganga n'inyandiko ” “Gufasha guhumeka umunwa ku wundi”.**

6. Buri modoka igomba kugira ikintu kiyibuza kwibwa gituma itava aho iri cyangwa kigafunga icyuma cyayo cy'ingenzi igihe ihagaritswe igihe kirekire.
7. Ikinyabiziga kigendeshwa na moteri kiriho ibyuma ntamenwa cyangwa ikindi cyose gituma ikoreshe mu gutera cyangwa kwitabara **ntigishobora kugenda mu nzira nyabagendwa kidafite uruhushya rwiheriye rwa Minisitiri ushinze gutwara abantu n'ibintu cyangwa umuhagarariye.**

- ✓ **Ibimaze kuvugwa ntibikurikizwa ku binyabiziga by'ingabo z'igihugu.**